



mjesečni Bilten

omladinska mreža bosne i hercegovine

maj
svibanj
2018.

228

Dragi prijatelji/ce,

Predstavljamo vam majsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **184** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u maju 2018.	2
Planovi za juni 2018.	9
Aktivnosti članova mreže	10
Saopštenja/informacije/donatori/pozivi	22

Uživajte u čitanju!

AKTIVNOSTI ORC/HCA U MAJU 2018.

PODIJELJENA PROŠLOST – ZAJEDNIČKA BUDUĆNOST

Građanska laboratorija za društvene inovacije



U sklopu projekta „Podijeljena prošlost – zajednička budućnost, koju OKC Banja Luka realizuje u 6 država Zapadnog Balkana i Turskoj zajedno sa još 17 partnera, održana je druga po redu „Građanska laboratorija za društvene inovacije u BiH“.

„Građansku laboratoriju za društvene inovacije u BiH“ organizovao je ORC Tuzla, 17. maja 2018. Godine u Kući plamena mira u Tuzli, a okupila je predstavnike mladih, vlasti i biznis sektora. Slične laboratorije su održane i u ostalim državama koje su uključene

u projekat „Podijeljena prošlost – zajednička budućnost, a podržane su od strane Evropske Unije.

Press konferencija – „Prihvatanje oštećenosti“

U Međunarodnom press centru hotela Bosna, u Banja Luci, prezentovani su rezultati kampanje "Prihvatanje oštećenosti", koju je Omladinski resursni centar Tuzla realizovao u sklopu projekta "Podijeljena prošlost - zajednička budućnost", podržanog od Evropske Unije. Tokom press konferencije novinarima je prezentovan kratki video sa fotografijama nastalih tokom kampanje, ali i predočeni rezultati tromjesečne kampanje. Projekat realizuje 18 organizacija Zapadnog Balkana i Turske, a nosilac projekta je OKC Banja Luka.



“Mladi protiv nasilnog ekstremizma“



Tokom redovnih partnerskih aktivnosti ORC Tuzla i Proni centra za omladinski razvoj na projektu „Mladi protiv nasilnog ekstremizma“, provedeno je „online“ istraživanje, kojim smo identifikovali stavove mladih prema temama: Radikalizma, nasilnog ekstremizma i terorizma u Bosni i Hercegovini.

Rezultati istraživanja će biti prezentovani 12. Juna u Sarajevu, na konferenciji koja će okupiti preko 100 učesnika iz različitih sektora, uključenih u rješavanje ovog problema u Bosni i Hercegovini. Konferencija će se održati u Parlamentarnoj skupštini Bosne i Hercegovine, a podržana je, kao i čitav projekat od strane Ambasade Holandije.

UNFPA-Radni sastanak

U Kući Ujedinjenih Nacija Bosne i Hercegovine u Sarajevu, 24. Maja održan je radni sastanak u sklopu misije Ujedinjenih nacija za ekonomska i socijalna pitanja (UNDESA).

Cilj Radnog sastanka, kojem su prisustvovali predstavnici mladih i omladinskih udruženja, predstavnici vlasti, ambasada u BiH i UN organizacija, bilo je utvrđivanje procjena stanja i pot
u Bosni i Hercegovini.

Na konferenciji je prisustvovao i naš Slobodan Blagovčanin, koji je nakon uvodnih riječi organizatora, prisutnima se obratio na temu: "Mladi u BiH na putu ka Evropskoj Uniji".

Tokom izlaganja on je prezentirao rad Omladinskog resursnog centra Tuzla, ali i zaključke i planove sa Konferencije mladih Evropske Unije, kojoj je prisustvovao prethodnog mjeseca, sa još 250 mladih iz čitave Evrope.

Ovom prilikom se zahvaljujemo [UNFPA Bosnia and Herzegovina](#) na aktivnoj podršci mladima i davanju mogućnosti da se naš glas čuje na ovako bitnim događajima.



Javna tribina sa poslodavcima

17. maja OKC Banja luka, u saradnji sa Edukacijsko rehabilitacijskim fakultetom Univerziteta u Tuzli, organizovali su Javnu tribinu sa poslodavcima. Među predavačima na ovoj tribini bila je i Merita Sokoli mag. socijalne pedagogije. Merita je govorila o tome koliko je bitna praksa tokom studiranja, kako je raditi kao socijalna pedagogica u Osnovnoj školi u Tuzli, kako unaprijediti saradnju između fakulteta i poslodavaca, kako unaprijediti nastavne planove i programe prema potrebama poslodavaca, koliko joj je pomogla titula magistra koju ima, kako je raditi sa mladima i koliko su mladi zainteresovani za volonterizam i aktivizam.

Podsjećamo da je Merita jedan od osnivača Omladinske grupe Omladinskog resursnog centra Tuzla, te da je veliki dio svoje prakse stekla radeći kroz projekte u Omladinskom resursnom centru Tuzla.



Coca-Colina podrška mladima u BiH

Program Coca-Colina podrška mladima u BiH je ove godine prvi put bila održana u Tuzli.

Među mnogobrojnim mladima učešće su uzele i dvije članice Omladinskog Resursnog Centra Tuzla - Mirela Biković i Amila Selimbašić.

ORC Tuzla je također partner na ovom projektu, koji organizuje Coca-Cola HCB BiH Sarajevo. Projekat je zamišljen kao jedinstveni program podrške razvoju mladih. Nezaposlenim pojedincima, motivisanim da nauče kako da se istaknu na tržištu rada, kroz ovaj program omogućeno je učenje životnih i poslovnih vještina neophodnih za zapošljavanje i bolje pozicioniranje na tržištu rada. Projekat je pokrenut prošle godine kao jedinstveni projekat podrške mladima.

Kroz trodnevni program radionica učesnici su imali priliku da uz profesionalce i mentore razvijaju i usavršavaju poslovne i lične vještine, te steknu kompetencije koje će im pomoći da brže i lakše dođu do zaposlenja.



Početak radionica bio je posvećen samorazvoju, gdje su učesnici ućeni da sagledaju svoje jake strane. Svako od nas čeće je fokusiran na svoje nedostatke, a sagledavanjem prednosti jaćamo poziciju s koje krećemo ka ostvarivanju ciljeva. Drugi dan radionica Coca-Coline podrške mladima u Tuzli bio je posvećen poslovnom planiranju, gdje su mladi najviše kroz vježbe koje su bile nalik na igre, ućili lekcije o tome kako naućiti upravljati vremenom i kako odrediti prioritete. Zadnji dan bio je posvećen projektnom menadžmentu i planovima koji će mlade na najbolji naćin voditi do njihovih ciljeva.



Omladinska grupa ORC Tuzla

Omladinski radnici u borbi protiv nasilnog ekstremizma” III MODUL

Opšti cilj projekta “Omladinski radnici u borbi protiv nasilnog ekstremizma” jeste podsticanje proaktivnog ućešća lokalnih omladinskih radnika, kako bi doprinijeli prevenciji radikalizacije mladih u multietnićkim zajednicama u Bosni i Hercegovini.



Do sada je 27 ućesnika ućestvovalo na tri obuke, a održana je i zadnja obuka u Brćkom.

Ućesnici su iz Tuzle, Gradaćca, Bijeljine, Brćkog i Ugljevika, a svi su aktivisti u svojim lokalnim organizacijama (Omladinski resursni centar Tuzla, KULT Gradaćac, PRONI Brćko, Volonterski servis Bijeljina i Omladinski centar Ugljevik).

Ućesnici ispred Omladinskog resurnog centra su bili: Slobodan Blagovćanin,

Mirela Biković, Amila Selimbašić, Emir Mujakić, Adi Selman, Emir Karamujić.

Tema trećeg modula bila je “Rad sa pojedincima i vještine savjetovanja u radu sa mladima”. Obuka je održana korištenjem metoda neformalnog obrazovanja koji zahtjevaju aktivno učešće učesnika, rad u grupama, studije slučajeva, debate i filmove.

Ovaj trening modul bio je fokusiran na individualni omladinski rad i vještine savjetovanja kao sredstva za borbu protiv nasilja mladih. Bilo je dosta razgovora i rasprava o emocijama, ličnoj istoriji, empatiji i slušanju. Za većinu učesnika ovaj trening modul je bio najbolji zbog sadržaja i mogućnosti istraživanja ličnih priča svakog učesnika.

Jedna od najvećih dodatnih vrijednosti ovog projekta je činjenica da svi učesnici imaju obavezu da pišu eseje o temama obuhvaćenim u modulima obuke.

Neki učesnici projekta biće pozvani na međunarodnu konferenciju “Mladi protiv nasilnog ekstremizma” koji će se održati u Sarajevu 12.06.2018.

Do kraja projekta, projektni tim će raditi na finalizaciji nastavnih planova i programa i prikupljanju studentskih eseja. Svečana dodela diploma će se održati u septembru.



„BRAIN DRAIN POLICY HACKATHON AND CONFERENCE“



Od 11. do 13. maja na Ohridu je održana radionica na temu **BRAIN DRAIN**. Tokom dva dana trajanja radionice, učešće je uzelo oko četrdeset mladih ljudi iz šest zemalja regiona (Kosovo, Albanija, Srbija, Crna Gora, Bosna i Hercegovina i Makedonija). U ta dva dana radilo se na četiri polja a to su: obrazovanje, zaposlenje, kvaliteta života i ljudska i građanska prava. Mladi ljudi su konkretnom slučaju radili na mjerama i preporukama koje bi vlade zemalja regiona trebale preduzeti, kako bi se zaustavio odliv mozgova, i kako bi mladi i obrazovani ljudi ostali u svojim zemljama. 14-tog maja u

Skoplju se održala završna konferencija, na kojoj su mladi ljudi prezentovali svoja istraživanja, mjere i preporuke koje su osmislili u dvodnevnoj radionici. Na završnoj konferenciji prisustvovali su predstavnici WMCES ([Wilfried Martens Centre for European Studies](#)), predstavnik fondacije Konrad Adenauer Foundation, predstavnici Ministarstva Obrazovanja i Nauke, predstavnici Agencije za mlade i Sport i predstavnici LEAD-a. Na završnoj konferenciji se razgovaralo o trenutnim politikama i ulogama institucija zemalja regiona u pronalaženju rješenja za problem odliva mozgova. Na radionici i konferenciji je, ispred Omladinskog resursnog centra Tuzla prisustvovao Duško Majkić.

Projekat „Europa priča“

Gradska opština Vračar i Udruženje građana Libero, u saradnji sa svojim partnerima realizirali su projekt “Europa priča” u razdoblju od 10. do 13. maja 2018. godine. Ovaj projekat podržava program “Europa za građane” Europske unije i službeno je pokrenuta druga nedjelja Europe u Beogradu.

Na ovom projektu su učestvovali mladi iz Makedonije, Bosne i Hercegovine, Slovenije, Belgije i Srbije. Učesnici ovoga projekta imali su priliku da se kroz bogat sadržaj unutar projekta „Europa Priča“ bolje upoznaju s Europskom unijom i dobiju pristup objektivnim i tačnim informacijama o vrijednostima i političkom sistemu Europske unije. U sklopu ovoga projekta realizovan je i niz radionica na različitim lokacijama Opštine Vračar, gdje su mladi imali mogućnost da razmjenjuju svoja iskustva, dok je središnji događaj u okviru projekta bila “Europa Priča Živa Biblioteka” koja je održana na platou ispred Nacionalne biblioteke Srbije.

Svi učesnici imali su priliku da besplatno iznajme “knjigu” o temi koja ih interesuje u vezi Europske unije i da se kroz razgovor informišu o načinu funkcionisanja institucija Europske unije.

Predstavnici Omladinske grupe Omladinskog resursnog centra Tuzla bili su Merita Sokoli, Nejla Ibraković, Eldin Subašić i Adi Selman.



RADIONICA O GRAĐANSKOM NOVINARSTVU



Tokom maja su tim CPI i Balkan diskursa organizovali radionicu na temu građanskog novinarstva i dokumentarne fotografije. Mentor prva dva dana treninga bila je Marija Arnautović, novinarka Radia Slobodna Evropa. Učešće na treningu uzeli su mladi iz cijele BiH, a na treninku bila je diskusija o osnovnim tehnikama novinarstva i formama, te web tehnikama i formama intervjua. Zadnja dva dana učesnici su imali priliku da učestvuju na radionici fotografije koju je vodio Velija Hasanbegović. Program obuke i mentorstva podržao je nacionalni Fond za Demokratiju (NED). Na

radionici i konferenciji je, ispred Omladinskog resursnog centra Tuzla prisustvovao Duško Majkić.

DAN SJEĆANJA NA STRADALE U TUZLI (KAPIJA)

25. maja 2018 godine članovi Omladinskog Resursnog centra Tuzla su simbolično plaganjem cvijeća na kapiji odali počast žrtvama stradanja u Tuzli 25.Maja 1995.godine.

Zločin nad tuzlanskom mladošću je jedan od najtežih zločina počinjenih nad civilima Tuzle. Toga dana u 20:55 sa Ozrena su ispaljene granate na sastajalište mladih, poznato kao Kapija. Granata je ubila 71 građanina Tuzle, a ranila ih 150. Prosjek starosti poginulih bio je 24 godine.



Žene etničkih manjina uključene u fudbalu



30. maja u Berlinu je održan Okrugli sto na temu „Žene etničkih manjina uključene u fudbalu“ na kojem su učestvovali predstavnici više zemalja. Sam događaj je imao nekoliko dijelova od kojih je najinteresantniji dio bila generalna diskusija, na kojoj su sve učesnice imale priliku iznijeti probleme s kojima se žene etničkih manjina susreću u svojim zajednicama, te međusobno odabrati najbolje moguće rješenje za realizaciju već navedenih problema. Po završetku ovog događaja, otvorena je diskusija o preduzimanju budućih akcija i radionica koje proizilaze iz ovog sastanka.

Ovaj Okrugli sto je mnogo doprinio razvoju kontakata koji će dosta značiti uključivanju žena u Bosni i Hercegovini generalno u sport, pa i u sam fudbal. Na ovom okruglom stolu učestvovala je i Elma Sulejmanagić, članica Omladinske grupe ORC.

REDOVNE AKTIVNOSTI ORC I HCA TUZLA

Tokom maja radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOWI HCA/ORC-A ZA JUNI 2018.

- Učešće u organizovanju omladinske konferencije „Mladi protiv nasilnog ekstremizma“. Konferencija „Mladi protiv nasilnog ekstremizma ” održaće se u Sarajevu, 12.06.2018. godine, u zgradi Parlamentarne skupstine BiH. Konferencija se organizuje u okviru partnerskog projekta koji vodi PRONI Centar za omladinski razvoj, u saradnji sa ORC Tuzla i PAX Nizozemska. Projekat je podržan od Holandske ambasade putem MATRA programa.
- Početak pripremnih aktivnosti za održavanje Forum teataru u gradovima obuhvaćenim projektom „Mladi za bolju budućnost“. Projekat je podržan od strane Ambasade SAD u Sarajevu.
- Početak priprema za implementiranje projekta „CAT 18“. U okviru ovog projekta u naredom periodu naše aktivnosti su: Izrada WEB stranice, fb stranice, 3 onground treninga i jedan online trening.
- Nastavak redovnih aktivnosti ORC Tuzla i Omladinske grupe



AKTIVNOSTI ČLANICA OMLADINSKE MREŽE BiH



Asocijacija srednjoškolaca u Bosni i H

Ul. Mula Mustafe Bašeskije 7, 71000 Sarajevo

Tel/fax: +387 33 205 850

E-mail: asubih@yahoo.com

Web: www.asubih.ba

„Walls of Joy“



5. maja članovi lokalnog tima Visoko Asocijacije srednjoškolaca u Bosni i Hercegovini su završili projekat „Walls of Joy“, koji je finansijski podržala fondacija Schuler Helfen Leben. Kroz projekat „Walls od Joy“ članovi lokalnog tima Visoko su uradili mural na visočkoj gimnaziji, te ofarbali klupe u šetalištu. Mural predstavlja ujedinjene i uporne srednjoškolce, aktivne u brojnim organizacijama, pokrenute znanjem koje im škola nudi.

„Prijatelji bez granica“- Nastavak borbe protiv segregacije u obrazovanju

U periodu od 4. do 7. Maja održana je četvrta razmjena u sklopu projekta "Prijatelji bez granica". Projekat „Prijatelji bez granica“ ima za cilj uklanjanje socijalnih barijera među učenicima koji nastavu pohađaju razdvojeno. Srednjoškolci imaju priliku sudjelovati u programima razmjene, boraviti u domovima vršnjaka druge nacionalnosti i s njima pohađati nastavu. Ovaj put srednjoškolci iz Busovače su bili domaćini svojim vršnjacima iz Mostara. Prvi dan razmjene srednjoškolci su imali priliku zajedno pohađati nastavu u MSŠ "Busovača". Drugi dan razmjene je organizovana panel diskusija na temu: "Dvije škole pod jednim krovom-problem ili rješenje?", na kojoj su učestvovali svi članovi te razmjene. Moderator panel diskusije je bio Adnan Pripoljac, a panelisti profesorica engleskog jezika Nermana Solić, profesor matematike i informatike Emrah Mešanović i profesor njemačkog jezika Amir Junuzović, i učenik MSŠ "Busovača" te član lokalnog tima Busovača Hazim Pugonja. U sklopu razmjene je također odrađena volonterska akcija u kojoj su srednjoškolci zajedno farbali i obnovili gradski stadion, te na taj način poslali zajedničku poruku mira!

„SHL- PAT 2018“

Članovi Upravnog odbora Din Ferizović i Zerina Hubjer prisustvovali su SHL-ovom PAT-u u Berlinu od 9. do 13. maja 2018. PAT ili Projektauswahltreffen je program njemačke omladinske fondacije Schuler Helfen Leben, koji ima za cilj izabrati projekte koji će biti finansirani iz Fonda Njemačkog Socijalnog Dana 2017. Događaj je okupio preko 300 internacionalnih učesnika.



„Pozitivne priče“



8. maja 2018. zatvoren je poziv za dostavljanje pozitivnih priča u okviru projekta „Pozitivne priče 2018“. To je projekat koji ima za cilj skupiti pozitivne primjere iz lokalnih zajednica i promovirati ih na državnom nivou. Ove godine u fokusu pozitivnih priča je bila tema profesora u školi, gdje su srednjoškolci imali priliku da opišu svoje heroje sa dnevnikom i kredom u ruci, kako je tema glasila. U užu krug je ušlo deset pozitivnih priča koje će se u narednom periodu moći čitati na našoj web stranici: www.asubih.ba

„Zdravlje nije TABOO“

U periodu od 25. do 27. maja 2018. lokalni tim Istočno Sarajevo organizovao je trodnevni kamp pod nazivom „Zdravlje nije TABOO“, koji je okupio srednjoškolce iz različitih gradova Bosne i Hercegovine. Tema kampa je bila orijentisana na seksualno i reproduktivno zdravlje mladih ljudi, sa posebnim osvrtom na društveno shvatanje ove tematike. BoHeMSA-in Lokalni komitet Sarajevo je, po prvi put, ostvario saradnju sa ASuBiH-om te su članice naših SCORA i SCOPH komiteta uzele učešće u kampu, u ulozi edukatorica i voditeljica radionica. Tokom aktivnosti, učesnici su imali priliku anonimno napisati pitanja koja se ustručavaju javno postaviti i ubaciti u posebnu kutiju, nakon čega su dobili odgovore od edukatorica. Na kraju dana, potrebe za tim nije bilo, jer su se sva pitanja postavljala naglas i bez ustručavanja, što za nas predstavlja veliki pokazatelj uspjeha projekta – zdravlje ne smije biti taboo, ali što je najvažnije, za ove mlade ljude to od danas i neće biti. Iako su naši srednjoškolci pokazali visok stepen znanja na ulaznom testu, nadamo se da su nakon ove predivne saradnje naučili nove stvari, koje će im omogućiti ozbiljniji pristup sopstvenom životu.





Udruženje „Volonteri i prijatelji Konjičke regije“ Konjic

Ul. Civilnih žrtava rata 3, 88400 Konjic

Tel.: +387 61 610 127

E-mail: vipkkonjic@gmail.com

Web : www.vipk.info

Facebook: www.facebook.com/groups/220690771277915/

PRAZNIK RADA: 1. maj 2018. godine u Konjicu



Na poznatom konjičkom izletištu Vrtaljica iznad grada, mladi aktivisti „Volontera i prijatelja konjičke regije“ su prvomajskim urankom i ove godine zajedno sa građanima, članovima Udruženja antifašista i lokalnom organizacijom SDP Konjic obilježili Praznik rada – 1. maj.

KONJIC: „Pesničenje“ je ostvarilo sve svoje ciljeve

„Pesničenje“ je okupilo pozitivnu energiju konjičkih stvaralaca, kreativaca svih generacija koji su se javnosti predstavili, iskazali, pokazali. Bila je to otvorena smotra svih oblika stvaralaštva. Prvi su nastupili mali gimnastičari kojima je to bio prvi javni nastup i prvi aplauzi, rekao je njihov trener, prof. Adnan Džumhur. Dalje su se redali red muzike, red pjesme, red poezije, pa slovo o zaboravljenim Konjičanima pjesniku Mehi Rizvanoviću (Zukići, 1939.-Konjic, 1993.) i slikaru Vladislavu Lamu (Konjic, 1893.-Gdanjsk, 1984.). Predsjednik konjičkih volontera, Adis Muhibić, kratko je predstavio Udruženje i poslao poruku pjesniku Goranu Sariću, koji se liječi u bolnici u Holandiji. Pomoć volonterima u organizaciji ove nezaboravne večeri pružili su: Sejo Ćibo, Hamdija Habibija, PU Konjic, a medijski podršku pružili su portali novikonjic.ba, udrimuski.ba, Radio Otvorena mreža i Radio Konjic. Učesnici pesničenja i publika zadovoljni su napustili plato kod Starog mosta, uputili zahvalnost i čestitke organizatorima, koji su iduće godine obećali još masovnije pesničenje. Zamjerka se treba uputiti općinskoj službi i nerazumnom propisu po kojem je organizator za iznajmljeni prostor morao platiti taksu od 33 KM. To nije rad za građane, to nije stimulacija mladim kreativcima niti volonterima koji su pokazali da sa minimalnim sredstvima mogu organizovati i nazahtjevnije događaje. Volonteri Konjica i portal novikonjic.ba daju veliki doprinos promociji i izgradnji boljeg i ljepšeg Konjica, i kao takvi zaslužuju mnogo veću pažnju lokalnih medija i pomoć nadležnih državnih organa. Na Prvom konjičkom pesničenju su nastupili: Prof. Adnan Džumhur sa učenicama konjičke Škole gimnastike; Azemina Isenovic i Said Alic; Samra Jablic; Mirsad Čukle; Lamija Sokolović; Sanina Balić, Sedina Perva; Irfan Jusufović; Eldina Kašić, Benjamin Mujak, Emir Pirija, Kenan Čilić i učenici likovne sekcije JU Druga OŠ Konjic (mentorica, Džana Čukas, nastavnica).

Bitka za ranjenike na Neretvi: Muhibić i Jablič sa mladim volonterima položili cvijeće

Obilježavanje 75. godišnjice Bitke za ranjenike na Neretvi upriličeno je 5. maja u Jablanici. Polaganje cvijeća na spomen-obilježje Muzeja „Bitke za ranjenike na Neretvi“ održano je u 12 sati, nakon čega je počelo održavanje svečane akademije te kulturno-zabavni program. Kao i ranijih godina, Adis Muhibić, predsjednik Volontera i prijatelja konjičke regije zajedno sa zamjenicom, Semirom Jablič i mladim

volonterima zajednički su položili cvijeće, te odali počast učenjem Fatihe i minutom šutnje svim borcima Narodno-oslobodilačke borbe.

PAKLINA 2018: Muhibić i Tabak položili cvijeće šehidima Glavičina

6. maja je, organizovanjem tradicionalnog 7. marša „Paklina 2018“, upriličeno obilježavanje 26 godine od značajne pobjede snaga odbrane Bosne i Hercegovine na prostorima općine Konjic, u bici za kotu Paklina 1992. godine. I ovogodišnji marš okupio je brojne učesnike koji su došli da obilježe taj značajan trenutak u borbi za opstanak i odbranu Konjica i cijele Bosne i Hercegovine. Cvijeće na spomen obilježje šehidima Glavičina položile su delegacije porodica šehida, najmlađih učesnika marša, JOB – Branilaca Konjica, RVI i Udruženje „Volonteri i prijatelji konjičke regije“. Ispred VIPK-a cvijeće su položili i učenjem Fatihe odali dužnu počast šehidima ovog herojskog kraja, Ramiza Tabak, članica Skupštine i Adis Muhibić, predsjednik Upravnog odbora.

Mreža mladih MIZ Konjic: Učenici i volonteri uređivali šehidska mezarja

Desetine učenika i volontera učestvovalo je 12. 5. 2018. godine u čišćenju nišana na šehidskom mezarju u haremu Čaršijske džamije. Akciju je organizovala Mreža mladih Medžlisa Islamske zajednice Konjic, u saradnji sa JOB-a Konjic. Muamera Tabak i Samra Jablič bile su učesnice ispred Udruženja VIPK.

MOSTAR: Konjičanke Semira Jablič i Merima Dželilović (VIPK) učesnice Prvog antikorupcijskog foruma mladih

Prvi antikorupcijski forum mladih koji je održan 28. marta u Mostaru na temu „Utjecaj antikoruptivnog obrazovanja na promjenu percepcije mladih o korupciji“ okupio je 20 mladih iz mostarskih srednjih škola i fakulteta, a ispred NVO „Volonteri i prijatelji konjičke regije“ (VIPK) učestvovala su učenice Srednje škole Konjic, Semira Jablič i Merima Dželilović.

UZURPIRANI DJEČIJI POLIGON: Lokalne vlasti izmjenit će režim saobraćaja u Trešanici?

Igralište u ulici Civilnih žrtava rata urađeno je u sklopu izgradnje kompletnog naselja, a sve u skladu sa tadašnjim Regulacionom planom „Centar“ i općina Konjic nikada nije mijenjala namjenu tog prostora. Kako bi se riješio problem parkiranja lokalne vlasti žele izvršiti izmjenu režima saobraćaja za ovu ulicu za što su predviđena novčana sredstva u budžetu za 2018. godinu. Istovremeno, na upit VIPK-a o stavu mjesne zajednice o ovom problemu iz Savjeta MZ Trešanica stiglo je „pismo“ predsjednika Halila Faladžića koji je priznao da mu je taj problem poznat i da je isti 2011. godine na tom igralištu postavio koševе, ali da se nije poštivao kućni red. Faladžić je pohvalio rad volontera koje MZ Trešanica podržava u svim realnim aktivnostima i naglasio kako rješenje ovog problema vidi u raspisivanju referenduma u ulici Civilnih žrtava rata, a što je nadležnost MZ Trešanica i općinskih službi, i da s tim rezultatima treba svoj stav dati Općinsko vijeće Konjica. Podsjećamo, kako bi se sportski poligon „oslobodio“ od nelegalno parkiranih motornih vozila mještana tog područja i mladi mogli upražnjavati svoje slobodno vrijeme u igri i sportu, aktivisti Udruženja „Volonteri i prijatelji konjičke regije“ (VIPK) zatražili su intervenciju općinskog Komunalnog inspektora, Jasmina Hodžića, koji se proglasio nenadležnim, obzirom da komunalna inspekcija uklanja oštećena i tehnički neispravna vozila. Na ovu temu održan je nedavno i radni sastanak u općini Konjic kojem su prisustvovali predstavnici VIPK-a, Adis Muhibić i Mustafa Kurtić te je dogovorena obostrana saradnja na rješavanju ovog dugogodišnjeg problema u MZ Trešanica.



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice

Omladinska organizacija Svitac je u maju nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Mlađi učesnici su pravili razne edukativne, proljetne, dekorativne i maštovite stvari uz pomoć lokalnih i međunarodnih volontera. Kreacije su ovaj mjesec rađene na razne teme, a neke od tih kreacija su: zmajevi od papira, leptiri i cvijeće u 3D, razni maštoviti radni listovi. Učesnici su takođe počeli učiti azbuku, nakon završene abecede, te sabiranje i oduzimanje. Na muzičkim radionicama su vježbali pjesmice „Zakleo se bumbar“ i „Kiša pada, trava raste“, te prepoznavanje zvukova domaćih životinja. Materijal korišten na radionicama je karton u boji, kolaž papir, drvene i masne bojice, makaze, ljepilo, šljokice, drveni štapići, dekorativni i ukrasni papir, plastelin, vuna. Drugi dio radionice je namijenjen za relaksaciju, osvježenje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.



Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje na kojima su učesnici pravili kreacije koristeći razne materijale. Neke od tih kreacija su: „paper mache“ razni baloni te razni proljetni ukrasi. Utorkom su učesnici vježbali engleski jezik i svakodnevnu komunikaciju, te razne igre koje poboljšavaju učenje engleskog u grupi i timski rad. Ovaj mjesec su učili o egzotičnim životinjama. Srijedom su radili turski alfabet, osnove kako se predstaviti i nazive voća, četvrtkom sportske aktivnosti, a petkom radionice njemačkog jezika. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugima i usvoje lijepo ponašanje. Koordinator radionica u maju je bio Adin Midžić uz asistenciju lokalnih, Weltwaerts i ERASMUS+ međunarodnih volontera. Sve aktivnosti se održavaju u Omladinskom centru Brčko distrikta.

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju dva puta u sedmici u prostorijama Omladinskog centra Brčko distrikta. Radionice se održavaju u sledećim terminima: četvrtkom - za početnike A1 nivo (16:30-17:30), za A2 level (17:30-18:30), te za B1/B2 (18:30-19:30). Radionice komunikacije na njemačkom jeziku su

namijenjene svima koji žele naučiti osnove gramatike i usavršiti već postojeće znanje i steći nova iskustva i poznanstva. A1 grupa je ovaj mjesec radila prijedloge uz dativ i akuzativ, temu putovanje i slobodno vrijeme u kafeu, te dijelove tijela, vrijeme na satu, fraze iz dnevne rutine i narudžbe u kafeu. A2 je radila iste teme ali uz kompleksnije fraze, dok je napredna grupa B2 obrađivala gramatičke tempore i sastavljanje rečenica. Koordinator projekta su međunarodne volonterke iz Njemačke.

Radionice gitare

Učesnici ove radionice su nastavili uvježbavati etide i kompozicije I.Albeniza, F.Sora, M.Carcassija, Rolanda Dyensa, Thierry Tisseranda i F. Tarrege, kao i nekoliko novih pop pjesama po vlastitom izboru („18“, „Californiacation“, „Under The Bridge“).

Radionice sambe

Grupa je počela raditi na novoj kompoziciji „Third thought“ u znatno sporijem tempu i 6/8 taktu. Učesnici su, takođe, uvježbavali vlastite kompozicije iz prethodna dva mjeseca („Perodactyl 1 i 2“ i „Beyond“).

Međunarodna mirovna akademija (International Peace Academy 2018)

Od 18. do 25. maja predstavnici organizacije Svitac (Miloš Popić, Zerina Kurtović, Slađana Bašić i Sanel Delić) učestvovali su na Međunarodnoj mirovnoj akademije 2018. ("Što vam svijet vrijedi?") koja je održana u Dresdenu (Njemačka). 400 učesnika iz gotovo 40 zemalja okupilo se kako bi zajedno potražili odgovor na pitanje gdje i zašto je naš svijet u neizvjesnoj situaciji i šta možemo učiniti u vezi toga. Mirovna akademija je bila međunarodno okupljanje mladih ljudi u akademskom stilu. Dani su bili ispunjeni radionicama, koncertima, aktivnostima i međunarodnim večerima. Učesnici su razgovarali o pitanjima mira, zajedničkim idejama i iskustvima i učili jedni od drugih - ali, su se i zabavljali, pjevali, plesali, smijali te upoznali bolje jedni druge. Mirovna akademija bila je otvoren događaj za mlade ljude u dobi od 16 do 27 godina iz cijelog svijeta.

FutureShorts – veče kratkog filma

18. maja, u 20:00 časova u Omladinskom centru u Brčkom održano je petnaesto veče kratkog filma u sklopu FutureShorts film festivala. Filmsko veče omogućila je Omladinska organizacija Svitac, uz podršku Firefly International-a. Program ovogodišnje proljetne sezone prikazan je u 100 gradova i 40 zemalja širom svijeta. U program je uvršteno pet kratkometražnih filmova iz Austrije, Velike Britanije, Francuske i Ukrajine. Pobjednik proljetne sezone FutureShorts-a u Brčkom je austrijski film „Wannabe“ (režija: Jannis Lenz).

Nakon projekcije filmova, međunarodni volonteri Omladinske organizacije Svitac iz Njemačke, Turske i SAD-a predstavili su hranu tipičnu za zemlje iz kojih dolaze, te na taj način pružili priliku gostima da se međusobno bolje upoznaju.

Za jun se planira nastavak svih redovnih radionica Omladinske organizacije Svitac.





PRONI Centar za omladinski razvoj

Ul. Mehmedagića 24, 76100 Brčko distrikt BiH
Tel./Fax: +387 49 217 695
E-mail: pronibrco@teol.net
www.pronibrco.ba

PRONI Akademija Omladinskog Rada – Svečana dodjela certifikata



Dana 04.05.2018. Proni Centar za omladinski razvoj organizovao je svečanu dodjelu certifikata u okviru projekta „Proni Akademija Omladinskog rada“ koji je finansirala Vlada Brčko distrikta BiH. Ovaj projekat je, kako je kazao Jasmin Jašarević, generalni menadžera PRONI Centra, imao za cilj obučavanje i osnaživanje 52 omladinska radnika iz Mreže omladinskih klubova Distrikta, radi unapređenja vještina za realizaciju aktivnosti omladinskog rada.

„Samo 34 osobe su završile program i danas dobile certifikate. To je samo pokazatelj kako

omladinski sektor u Brčkom polako stagnira, jer mladi ljudi odlaze. Čak imamo informaciju da će jedan klub prestati sa radom jer nema omladine. Tako da je naš projekat imao za cilj da osnaži one mlade ljude koji ostaju ovdje i žele nešto da rade i doprinesu lokalnoj zajednici. Bitno je napomenuti i da je od 26 omladinskih klubova, njih preko 20 u ruralnim dijelovima, tako da je cilj čitavog programa Mreže omladinskih klubova da mladi imaju jednake mogućnosti u gradu i u selu”, pojasnio je Jašarević.

Učesnici ovog projekta kroz obuku koja je sadržavala tri modula, prošli su programe mobilnosti mladih, rad u grupama, rad sa pojedincima, organizovanje radionica, pisanje projekata i slično. Koordinator projekta Harun Šabanović, koji je omladinski lider uspješno dugi niz godina u mjesnoj zajednici Omerbegovača, dodao je i da su se mladi upoznali sa time kako funkcionišu jedan omladinski klub. „Omladinski klub funkcionišu na način da edukovani omladinski radnici u saradnji sa predstavnicima mjesne zajednice, održavaju radionice na razne teme za mlade ljude koji dolaze u klub, kako bi tamo kvalitetno proveli vrijeme”, kazao je Šabanović.

Budi Muško Klub Brčko

Budi Muško Klub Brčko – projekat koji od marta realizuje PRONI Centar za omladinski razvoj ima za cilj prevenciju vršnjačkog nasilja kao i promovisanje zdravih životnih stilova.

Zadnja tri mjeseca Budi Muško Klub u Brčkom je realizovao nekoliko aktivnosti. Nakon anketiranja oko 100 ispitanika u JU Tehničkoj školi Brčko distrikt započele su i sedmične radionice sa učenicima/cama prvih razreda.

Radionice koje koriste neformalne metode nastave su zainteresovale mlade učenike/ce na kojima su se obrađivale teme identiteta, predrasuda, stereotipa, predrasuda kao i šta za njih znači “Budi Muško” klub. Razgovarali smo sa učenicima/cama na koji način i kroz koje aktivnosti bi oni voljeli podići svijest o rodnoj nejednakosti kao i o vršnjačkom nasilju. Posljednja aktivnost koji su realizovali članovi Budi Muško Kluba je bio izlet u Etno Selo “Stanišići”. Izletu je prisustvovalo 45 mladih iz svih škola u Brčkom.

Mobilnost mladih i upoznavanje različitih kultura i ljudi je jedno od ključnih u razbijanju predrasuda i stereotipa kao i u prihvatanju drugog i drugačijeg. Pored slobodnog vremena učesnici su mogli da svoje vrijeme iskoriste kroz razni sadržaj uključujući sportske aktivnosti.

Što se tiče aktivnosti do kraja školske godine, kao i početkom iduće školske godine planiramo: objaviti poziv za prijem članova koji će biti aktivni članovi Budi Muško Kluba gdje ćemo imati sastanke i radionice i pored škole; Organizovati turnir u odbojci na pjesku/fudbalu/basketu uz druženje uz roštilj, muziku kao i obezbjeđene nagrade; Očekuje nas još putovanja kroz Budi Muško Klub, i kroz aktivnosti PRONI Centra za omladinski razvoj.



Y-E-N: Generalna skupština i Trening “The Art of Togetherness”

Dana 10.05.2018.g., u Strazburgu, Francuska održana je Generalna skupština Youth Express Network mreže. PRONI Centar za omladinski razvoj kao punopravnu članicu mreže, predstavljala je Adina Halilović, Menadžerica za mobilnost mladih.

Na sastanku je prisustvovalo 23 predstavnika, od kojih je 19 predstavljalo organizacije članice, a 3 predstavnika su bili u službi posmatrača. Ovaj put, domaćin generalnoj skupštini bila je lokalna organizacija l’Association l’Etagé.

Na sastanku pored prezentacije prošlogodišnjeg izvještaja, razgovaralo se o aktuelnim projektima i planovima. Pored toga, na ovoj skupštini izabrali smo 4 nova člana upravnog odbora i izglasali članstvo novoj članici mreže, organizaciji Parcours le Monde – Grand Est.

Trening “THE ART OF TOGETHERNESS”

U periodu od 11. do 18. maja 2018, Y-E-N je organizovala trening za trenere “THE ART OF TOGETHERNESS”, koji je održan u Evropskom Omladniskom Centru u Strazburu. Inače, ovaj trening je prva aktivnost projekta „The Art of Social Inclusion“ koji se realizuje u 2018 godini od strane Youth



Express Network. Treningu je prisustvovalo 25 omladinskih socijalnih radnika, trenera i facilitatora koji dolaze ispred organizacija članica mreže.

Jedna od učesnica bila je i Adina Halilović, ispred PRONI Centra za omladinski razvoj i jedina učesnica iz BiH. Tokom treninga učesnici su imali priliku da razviju svoje vještine u inovativnim i umjetničkim metodama u rad s mladima. Nakon treninga, faza

praktične nastave će se sprovesti na lokalnom nivou kroz akcije sa mladima iz zajednice učesnika i na evropskom nivou kroz tri regionalna omladinska sastanka.

U narednom periodu PRONI Centar će organizovati određene aktivnosti na lokalnom nivou, koje će facilitirati Adina i koje će biti prilika da Adina primjeni ono što je naučila na treningu i svoje znanje prenese na mlade u lokalnoj zajednici.

Sve detaljnije informacije možete pronaći na web stranici Y-E-N mreže.

“Evropa priča” – Beograd

Gradska opština Vračar i Udruženje građana Libero, u partnerstvu sa PRONI Centrom za omladinski razvoj iz Brčko distrikta, organizacijom Interkultura iz Skoplja, Javnim zavodom Mladi Zmaji iz grada Ljubljane i međunarodnom organizacijom “Out of the Box International”, kao i predstavnicima lokalnih samouprava iz tih mjesta, realizirali su projekt “Evropa priča” u razdoblju od 10. do 13. svibnja 2018. godine. Ovaj projekt podržava program “Evropa za građane” Europske unije i službeno je pokrenuta druga nedjelja Europe na Vračaru.



Oko 400 mladih iz Makedonije, Bosne i Hercegovine, Slovenije, Belgije i Srbije koji su sudjelovali na projektu, kao i brojni zainteresirani građani imali su priliku da kroz bogat sadržaj unutar Evropa Priča projekta bolje se upoznaju s Europskom unijom i dobiju pristup objektivnim i tačnim informacijama o vrijednostima i političkom sastavu Europske unije. Realiziran je niz radionica i interkulturalnih aktivnosti na različitim lokacijama na opštini Vračar kroz koje su mladi

razgovarali o EU i imali prilike da razmjenjuju svoja iskustva u ovom području, dok je središnji događaj u okviru projekta bila “Evropa Priča Živa Biblioteka” koja je održana na platou ispred Nacionalne biblioteke Srbije. Svi učesnici imali su priliku da besplatno iznajme “knjigu” o temi koja ih interesuje u vezi Europske unije i da kroz razgovor s njom razbiju svoje predrasude i informišu se o načinu funkcionisanja institucija Europske unije. Činjenica da u javnom mnjenju već dugi niz godina postoji niz predrasuda, stereotipa i zabluda o načinu na koji Europska unija funkcionira, njenim institucijama i vrijednostima, navela je organizatore da kroz živu biblioteku o Europskoj uniji omoguće mladima da u direktnom razgovoru sa stručnjacima u ovom području saznaju dokazane informacije i postave istinsku sliku o vrijednosti i političkog sistema ove institucije.

Žive knjige su predstavljali predstavnici institucija i organizacija koje se bave temom Europske unije i koji su podržali realizaciju ovog događaja, Ministarstvo za Europske integracije, EU delegacija u Srbiji, Narodna biblioteka Srbije, Kancelarija za saradnju s civilnim društvom, Privredna komora Srbije, Vijeće Europe, EU Info Centar, Regionalna razvojna agencija i europske integracije te Institut za europske poslove.



Institut za razvoj mladih KULT

Ul. 4. viteške brigade 34-36 BA, 71210 Ilidža, Sarajevo
E-mail: kult@mladi.org
Tel.: +387 33 778 778; Fax: +387 33 778 779
Web: www.mladi.org

Vrijeme je da mladi budu prioritet vlastima

Vrijeme je da mladi budu na listi prioriteta programa političkih stranaka u Bosni i Hercegovini i institucija vlasti, poruka je svečanog otvaranja prve obuke za mlade političare - „Uči, misli i djeluj!“ za omladinske političke lidere/ice (UMiDp) koja je u maju održana u Neumu, a u organizaciji Instituta za razvoj mladih KULT.

Inicijativa za organizovanje obuke UMiDp nastala je kao odgovor na mali broj političkih stranaka koje u svojim programima imaju poglavlja posvećena mladima, na izborima iz 2014. godine bilo ih je svega 14. Pokazali su to rezultati istraživanja Instituta za razvoj mladih KULT koji ukazuju i na to da više od 50 stranaka sporadično ili nikako ne spominje mlade.

„Želim poboljšati svoja znanja vještine, ali i biti dio promjena. Želim biti dio procesa izgradnje boljeg položaja mladih, ali i svih građana/ki i moje lokalne sredine. Sretan sam da za to imam priliku.“ – poručio je Miloš, učesnik obuke iz Zvornika.

Obuku „Uči, misli i djeluj!“ za omladinske političke lidere/ice (UMiDp) pohađat će 26 mladih političara, iz 9 različitih političkih stranaka, koji će tokom tri modula UMiDp obuke steći znanje i vještine, te razviti kapacitete za davanje prioriteta pitanjima mladih na agendama/programima političkih stranaka, razumijevajući politički sistem u BiH, ali i izazove ekonomskog i socijalnog razvoja.

„Mi u polaznicima/ama obuke vidimo partnere, borce koji će se zajedno sa nama boriti za bolji položaj ove populacije. Obuka UMiDp nastala je iz potrebe, baš kao i Institut. Potrebe da se problemima mladih pristupi ozbiljno i odgovorno.“ – istakao je Jasmin Bešić, izvršni direktor Instituta za razvoj mladih KULT. Polaznici će tokom i nakon obuke ojačati vlastitu kulturu poštivanja ljudskih prava, rodne ravnopravnosti i demokratskih procesa za unaprjeđenje pozicije mladih, kroz razvoj jasnih strategija i vođenje uspješnih zagovaračkih kampanja, te učinkovito predstavljanje svojih izbornih jedinica. Oni će aktivnim zalaganjem, lobiranjem kod vlasti, riješiti neke od problema mladih ljudi u svojoj lokalnoj zajednici i na taj način dati primjer mladim ljudima i političarima o važnosti političke participacije i aktivnog djelovanja.

Obuka „Uči, misli i djeluj!“ za omladinske političke lidere/ice (UMiDp) realizuje se uz podšku Ambasade Švedske u BiH.



Budi žena u politici

Institut za razvoj mladih KULT u maju je raspisao Javni poziv za osnaživanje mladih žena u politici. Institut će po Javnom pozivu odabrati polaznice za pohađanje petodnevno treninga, tokom kojeg će se obrađivati sljedeće teme: javni nastup, zagovaranje i lobiranje, ljudska prava i ravnopravnost spolova, te će učestvovati u pokretanju i održavanju događaja koji obilježavaju Narandžasti dan, dan borbe protiv nasilja nad ženama.



Trening će biti održan od 18. do 22. juna 2018. g., u Obrazovno-raznodnom centru za mlade SPAJALICA u Sarajevu, a pohađat će ga žene starosti od 18 do 30 godina.

Tokom petodnevnog treninga polaznice obuke će imati priliku usvojiti znanja i vještine koje će im dati odgovore na sljedeća pitanja:
Kako prezentirati svoje ideje pred publikom
Kako zagovarati svoje ideje u politici i javnosti
Zašto je ravnopravnost spolova važna u kontekstu ljudskih prava
Kako se umrežiti s ženama u politici iz cijele BiH

Mladi za mlade - Malim akcijama do razvoja lokalne zajednice

Regionalne škole u naseljima Bratač, Kifino Selo i Odžak u opštini Nevesinje dobit će nova dvorišta. Ljepši ambijent za boravak učenika/ca ovih škola, odlučili su osigurati mladi okupljeni oko Udruženja „Svjetlost“.

Tridesetak mladih volontera u maju je već počelo sa uređenjem, a u narednom periodu posjetit će i dvije škole u ruralnom dijelu, nakon čega će održati i okrugli sto sa predstavnicima lokalne uprave gdje će predstaviti rezultate inicijative i dogovoriti buduće aktivnosti sa njima.



Finansijsku podršku za realizaciju aktivnosti, Institut za razvoj mladih KULT pružio je u okviru realizacije Lokalnih građanskih inicijativa na području cijele Bosne i Hercegovine.

Lokalna građanska inicijativa (LGI) jeste akcija, aktivnost građana/ki usmjerena na poboljšanje stanja u lokalnoj zajednici i društvu u kojem žive. U građanske aktivnosti mogu se uključiti građani/ke pojedinačno ili zajednički, a sve s ciljem ukazivanja na konkretne probleme i rješavanja problema u zajednici u kojoj žive.

Javni poziv za učešće jedinica lokalne samouprave u BiH u Preduzetničkom fondu za mlade



Institut za razvoj mladih KULT u maju je pozvao sve jedinice lokalne samouprave da se prijave na javni poziv za Podršku mladima u razvoju biznisa u okviru Preduzetničkog fonda za mlade.

Jedinice lokalne samouprave prijavom na javni poziv iskazuju interes za učešće u provođenju programa za podršku razvoju mikro, malih i srednjih preduzeća mladih u svojim lokalnim zajednicama. Institut i jedinica lokalne samouprave udruženim će sredstvima formirati Preduzetnički fond za mlade.

Tekst javnog poziva dostupan je na www.mladi.org

Od zainteresiranih jedinica lokalne samouprave traži se da prijavu na Javni poziv najkasnije do 8.6.2018. godine.



Ernada Avdibegović, član Omladinske mreže, pojedinac

Vijeće mladih Općine Kladanj
E-mail: erna_begovic20@yahoo.com

Aktivnosti Omladinskog kruga Kladanj

U okviru manifestacije: "Dani ekologije i biodiverziteta Kladanj 2018. god." smo 18.maja organizirali čas u prirodi o ekologiji i važnosti selektivnog odlaganja otpada za učenike JU OŠ "Stupari" iz Stupara, općina Kladanj. Projekat su podržali Cisp, Općina Kladanj, JU ZP Konjuh TZTK. Svi stavovi izneseni u promotivnim materijalima su odgovornost OK Kladanj i ne predstavljaju stavove donatora.



Uspjesi Biciklističkog kluba Kladanj

13. maja godine održana je prva trka premijer lige u brdskom biciklizmu u tuzli, na kompleksu panonskih jezera. Biciklistički klub Kladanj je bio jedan od učesnika trke. U muškoj kategoriji mlađi kadeti, bronzanu medalju i 3. mjesto je osvojio naš Gogić Edhem. U ženskoj kategoriji Hidić Anesa je osvojila 2. mjesto i srebrnu medalju, a Amina Gogić je osvojila 3. mjesto i bronzanu medalju. U kategoriji kadeti naš Kolak Adem je osvojio 4. mjesto. U hobby kategoriji naš Ahmed Buševac je osvojio takođe 4. mjesto.



INFORMACIJE / DONATORI / POZIVI

Raspisan javni poziv za lokalne inicijative mladih 2018

Agencija lokalne demokratije Mostar raspisuje Javni poziv za dodjelu sredstava za Lokalne inicijative mladih Grada Mostara namijenjen neformalnim grupama mladih i organizacijama mladih koje djeluju na području Grada Mostara.

Pozivamo mlade sa područja Grada Mostara da podnesu svoje aplikacije za lokalne inicijative koje će doprinijeti:

Jačanju kapaciteta mladih (neformalnih grupa mladih i organizacija mladih) za aktivno građanstvo i participaciju u životu njihovih lokalnih zajednica, posebno u procesima donošenja politika i odluka;

- Povećanom uključivanju mladih sa manjim mogućnostima u lokalne aktivnosti koje promovišu učešće mladih;
- Povećanju fokusa javnih vlasti u ciljanim zajednicama na potrebe mladih u procesima donošenja politika i odluka;
- Promovisanju EU standarda aktivnog građanstva za postizanje jednakosti, tolerancije i bogatstva različitosti.

Rok za podnošenje projektnih prijedloga je: 11.06.2018.godine, do 17:00 sati.

Sve dokumente potrebne za aplikaciju na Lokalne inicijative mladih mozete preuzeti na vrhu stranice:

[1.POZIV 2018.](#)

[2.SMJERNICE POZIVA 2018.](#)

[3.APLIKACIONI FORMULAR 2018.](#)

Više informacija i u prilogu:

[1 POZIV 2018 LDA MOSTAR](#) [2 SMJERNICE POZIVA 2018 LDA MOSTAR](#) [3 APLIKACIONI FORMULAR 2018 LDA MOSTAR](#)

PeaceNexus poziv za prijedloge projekata

Fondacija PeaceNexus, sa sjedištem u Švicarskoj, prihvata prijave nevladinih i neprofitnih organizacija zainteresiranih za prilagođenu podršku za izgradnju kapaciteta.

Ove godine, Poziv za dostavljanje prijedloga projekata će biti otvoren do 24. juna/lipnja za organizacije zainteresovane za:

- podršku organizacijskom razvoju (Lot 1 za organizacije sa mandatom izgradnje mira)
- podrška za jačanje njihove osjetljivosti na pitanja konflikta i/ili doprinosa izgradnji mira (Lot 2 za organizacije koje djeluju u krhkim kontekstima, ali ne moraju nužno imati mandat za izgradnju mira)
- podrška za jačanje inkluzivnog dijaloga sa biznisom (Lot 3 za organizacije koje sazivaju ili učestvuju u dijalogu sa biznisom radi rješavanja pitanja koja su relevantna za prevenciju sukoba ili izgradnju mira)

Puni detalji poziva (uključujući napomene o konceptima i najčešće postavljana pitanja za svaki lot) možete naći na www.peacenexus.org

Poziv je otvoren za organizacije koje rade na međunarodnom nivou (u najmanje pet zemalja), kao i nacionalne ili lokalne organizacije koje rade u odabranim zemljama u regionima koji su u fokusu rada PeaceNexus-a: Centralna Azija, Zapadna Afrika, Zapadni Balkan i jugoistočna Aziji. Na području Zapadnog Balkana mogu se prijaviti organizacije sa sjedištem u Albaniji, Bosni i Hercegovini, Hrvatskoj, Kosovu, Makedoniji, Crnoj Gori i Srbiji. Uspješne aplikacije će dobiti podršku procesima, kao i resurse koji će pratiti njihovu organizacijsku promjenu ili proces dijaloga.

Javni poziv za dodjelu sredstava za programe i projekte iz područja zaštite okoliša za 2018. godinu

Fonda za zaštitu okoliša Federacije BiH raspisao je javni poziv za dodjelu sredstava u vidu finansijske pomoći kao podrška realizaciji programa, projekata i sličnih aktivnosti iz područja zaštite okoliša za 2018. godinu.

Ukupni iznos sredstava koja Fond dodjeljuje po ovom konkursu je 9.665.345,00 KM.

Predmet Javnog konkursa je prikupljanje prijave za programe/projekte za raspodjelu sredstava, a koji će se odnositi na sljedeće programske aktivnosti:

LOT 1. WATSAN projekti vodosnabdijevanja i sanitacije u FBiH – raspoloživi budžet: 2.300.000,00 KM

LOT 2. Ostali projekti zaštite voda od značaja za Federaciju BiH – raspoloživi budžet: 1.802.825,00 KM

LOT 3. Projekti i studije u cilju ispunjavanja ciljeva Strategije Federacije BiH iz oblasti zaštite okoliša – raspoloživi budžet: 600.000,00 KM

LOT 4. Projekti uspostavljanja federalne mreže monitoringa kvaliteta zraka raspoloživi budžet: 80.000,00 KM

LOT 5. Projekti zaštite prirode – raspoloživi budžet: 500.000,00 KM

LOT 6. Projekti zaštite i remedijacije tla – raspoloživi budžet: 500.000,00 KM

LOT 7. Projekti zaštite okoliša kao podrška razvoju lokalnih zajednica – raspoloživi budžet: 1.400.000,00 KM

LOT 8. Projekti zaštite zraka – raspoloživi budžet: 787.520,00 KM

LOT 9. Projekti upravljanja otpadom – raspoloživi budžet: 845.000,00 KM

LOT 10. Unaprijeđenje korištenja energije – raspoloživi budžet: 350.000,00 KM

LOT 11. Projekti zaštite okoliša urbanih centara – raspoloživi budžet: 500.000,00 KM

Rok za podnošenje prijave je najkasnije do 30.06.2018.godine.

Više informacija: <http://www.fzofbih.org.ba>

TREBAŠ NEKOG DA TE POGURA? Prva nacionalna kampanja u LONCU!

Fondacija Mozaik već godinama s mladima radi na Kreiranju dobre ekonomije u BiH, a u zadnjih 10 godina, samo kroz Program Omladinske banke, podržala je društveno inovativne projekte neformalnih grupa mladih širom BiH. Podržano je ukupno 1.735 projekata u kojima je učestvovalo 20.935 mladih poduzetnih volonterki i volontera. Ti mladi ljudi dolaze iz 32 opštine/općine/grada širom BiH.

PRIJAVI SVOJ PROJEKAT OVDJE!

Ove godine, od 25. maja, kroz LONAC ćemo podržati i mlade koji dolaze iz sredina koje nisu dio Programa Omladinskih banaka. Sigurni smo da se i u vašoj općini/opštini/gradu nalaze upravo takvi – vrijedni, inovativni i poštteni mladi ljudi koji bi imali koristi od jednostavne, dvominutne registracije na lonac.pro.

Npr. za početak, nakon što provirite u naš LONAC, možete saznati da za realizaciju projekta od šireg društvenog značaja za zajednicu možete dobiti podršku do 1.500 KM od Fondacije Mozaik!

Ako imate ideju kako poboljšati život u svojoj zajednici, želite aktivirati mlade u svojoj sredini i kreirati dobru ekonomiju u BiH, prijavite svoj projekat do 20. juna ove godine (do 14:00 h). Zakuhanje projekata je mladima još slađe kad saznaju da upravo mladi ljudi odlučuju da li je njihov projekat dovoljno dobar da ide na javno glasanje ili ne. Ako projekti zadovolje kriterije mladih iz odbora Omladinskih banaka, imaće priliku da za njih glasa i zajednica i na taj način im obezbijedi finansiranje. Pobjednici su oni projekti sa najvećim brojem glasova (u okviru raspoloživog fonda).

Minimalan broj glasova koji jedan projekat mora da ima kako bi bio finansiran je 50.

Glasati će se moći od 6. jula do 12. jula ove godine.

Pročitaj jednostavne uslove prijave i što prije počni razvijati svoju društveno korisnu ideju:

- 1) Okupiš grupu od 3-7 članova i članica i svi imate između 17 i 35 godina
- 2) Svi se registrujete u LONAC – online zajednicu na www.lonac.pro
- 3) Želite da provedete projekat u bosanskohercegovačkom gradu/opštini/općini koja NIJE uključena u Program Omladinskih banaka
- 4) Od Omladinske banke vam treba od 500 KM do 1.500 KM
- 5) Pojedinci, preduzeća, ustanove, nevladine organizacije će podržati vaš projekat u robi ili novcu ili uslugama u iznosu od 50-200% od traženog iznosa (npr. ako od Omladinske banke tražite 1.000 KM, minimalni doprinos mora biti 500 KM, a maksimalni 2.000 KM)
- 6) Projekat ćete provesti u periodu od 25.7-25.10.2018. godine

Raspoloživi fond za projekte je 35.000 KM!

Detalnije uslove prijave te kakve projekte Omladinska banka neće razmatrati, pogledajte ovdje.

Korisni linkovi:

Ako niste sigurni da li je vaša opština/općina/grad već dio Programa Omladinskih banaka, provjerite ovdje.

Za više informacija o samoj Omladinskoj banci pročitajte i vodič Kako do projekta Omladinske banke.

U LONCU vas čeka mnogo članova odbora Omladinskih banaka širom BiH koji će rado odgovoriti na vaša pitanja i neodumice o apliciranju. Njihova iskustva o radu u Omladinskim bankama te njenim vrijednostima, pročitajte ovdje. Jedno od pitanja koje vas može zanimati može biti i: Koliko je teško dobiti potrebnu podršku zajednice, a ovdje možete vidjeti šta o tome kažu Đorđe i Šejla.

Razmislite šta nedostaje vašoj zajednici, kako je možete unaprijediti (a usput se i zabaviti) i naučiti nešto novo sa sjajnim timom mladih ljudi.

Preporučujemo da pročitate i poziv za društvene projekte mladih!

Čekamo vas u LONCU!

Više informacija: https://www.lonac.pro/trebas-nekog-da-te-pogura-prva-nacionalna-kampanja-u-loncu?utm_source=facebook&utm_medium=social&utm_campaign=nacionalna_mreza_mira



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba
hcatuzla@bih.net.ba

Mjesečni bilten uređuje
Omladinski resursni centar -
ORC Tuzla

Bilten uređuje: **Amila Selimbašić**
Prevod Biltena na engleski: **Emir Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com